

松
壽
堂
詩
鈔

松壽堂詩鈔卷七

貴陽陳夔龍笈

鶴樓集

起戊申四月
迄己酉十月

寄和亭秋

一紙新詩附鯉函
高風林下信非凡
遙憐翠輿吟修竹
閒著青鞵伴野杉
楊柳湖隄牽別緒
梅花江渚望征帆
南樓待舉鴻眉案
德曜賢名衆口咸

遣僕如杭以詩悼昌紋

八歲傳詩侍雪廬
鬢髮短髮未全除
荒殘紫石空餘恨
寂寞元亭歎索居
梁縱雙棲懷乳燕
江難再決泣枯魚

藥鑪大錯從何說悔不精研素問書

少石兄移臬南昌計日入覲作此贈行

廿年江漢召棠甘花外驪歌柳外驂星近薇垣辰拱北

入覲北行

雲移極浦棟飛南枌榆拜

命恩尤渥風雨懷人

我未堪莫忘彭城坡穎約黔靈深處結茅庵

讀范肯堂詩集題後

一生心力瘁於詩如此才華可惜之高會南皮曾作客

君久客北洋幕府

終身北面愧稱師

余抗疏薦君經濟特科君來函有終身北面於舉主

之語茂陵風雨相如病楚澤蘭荃宋玉悲讀竟遺篇三大

息焚香深悔薦賢遲

祀先樓詠翠蜨有懷紋女

羅浮仙侶是耶非，寸草三春欲報暉。
瓊苑牡丹曾入夢，昨夢中傳畫堂翠蜨又言歸。
吳山楚水重重認，賞牡丹葉底花開欵欵飛。
老淚龍鍾迷五色，萊斑疑著舊時衣。

五月二日游小平泉登觀音閣晚眺

建牙仍作客，拄笏強登樓。
形勢雄三楚，功名愧八州。
鶴飛仙笛杳，江晚估帆收。
遙望漢陽樹，濃陰夏似秋。

天中聯句有懷昌紋

鄂渚新移節

亭秋

端陽荷

聖慈

客臘

上賞慶壽直幅福壽字今由蜀寄

刊桂樓堪遠望

筱石

蒲葦喜同持，江迴輕雲淡

亭秋

天

高落照遲鶴歸聞玉笛

筱石

蜨舞戀花枝

日來翠蜨十餘飛繞桂樓

前猶憶牽牛夜

亭秋

兒生時每逢七夕必約

難忘繡

虎時

乙巳端午病中

中流空繫纜

筱石

大局慨彈棋

病中

談及時事輒鬱鬱不樂

秋稻生前詠

亭秋

春萱夢裏思多情青鳥

信筱石

雅韻綵鸞詞看鏡吾將老

亭秋

焚香汝定知日

長無可遣

筱石

聊作憶兒詩

亭秋

端午後三日夜坐聯句

共坐蘭階納晚涼

亭秋

一鉤新月上危牆

筱石

微雲點

綴星光淡

亭秋

譙鼓清嚴漏點長

筱石

盆有疏枝花隱

約亭秋

甌斟佳茗露芬芳

筱石

燈前回憶含真蹟

亭秋

蜨綵躡躑繞膝忙

後石

越日復納晚涼憶女聯句適接電 旨徵醫

寂寞書窗鶴燄紅飄殘柳絮謝庭空輕羅撲蜨風盈爽
老樹驚鴉月挂弓

後石

三載愛根仍切切一場春夢太

忽忽兒時生性原忠鯁願乞靈漿衛 聖躬

亭秋

六月一日亭秋生辰小詩奉贈兼敘離懷時由浙
來鄂僅月餘也

半載金閫別重來話楚天相逢非舊地偕老尙中年仙
鶴于飛曲侯鯖介壽筵瓊樓雙桂樹香在未秋前

銅駝思往事艱苦仗君知鹿醒隍中夢鴻舒案下眉淮

園朝染翰茂苑夜催詩偶向庭前立飄零柳絮詞
憶攬西湖勝清秋發湧金船從仙樂艤僧向淨慈尋花
港觀魚戲孤山訪鶴禽舊痕襟共認情比酒還深
綠野心同寄紅闈德可馨綵衣來楚舞瑤瑟奏湘靈瑞
叶雙花蕙祥生一葉蕙祝釐嬌女意說與右台聽

夏夜得句

小樓聽雨夏如春永漏疏燈夜嚮晨戒旦夢猶依斗極
洗兵天已落鉤陳捲心蕉葉傳清籟生日荷花拜後塵
料得明朝張廣樂海東紅旭照三神

鎮欲尋僧學打包戟門官鼓已慵敲回文錦字君蘇蕙

苦語蛩吟我孟郊蘭室總饒香氣靜絮庭無奈柳花拋
雕闌並坐看雲起蜨板依稀掛樹梢

詠八瓣蘭與亭秋分韻作

雙花八瓣啟靈芬叉手庭前卻爲君
紉作顧廚名士佩清如唐宋大家文
循陔樂譜羣音協空谷香生幾陣聞
欣共衆仙吟九畹上弦初月露光分

和亭秋韻

葳蕤三五鬪清新喜溢蕙階衆妙臻
襖帖紛披書永字夢徵休吉證前身
香分梧井馨聞遠日照花輒熨貼勻
不是八公閒草木楚江蘅芷共精神

亭秋以畫扇見贈

活色生香補化工
花光四照豁雙瞳
裁成紈扇團團月
引入薰琴面面風
錦字回環纖手製
墨痕深淺畫眉同
蘭因縱有三生約
柳絮飄零感謝公

六月廿二日龍華寺諷經有感

不見雕梁乳燕飛
一年一度惜芳菲
我經瘴雨蠻煙劫
客冬回里行役甚苦爾未黃河黑水歸
病裏形容猶彷彿
夢中樓閣總依稀

龍華薦福滋吾痛
回首三台冷翠微

亦識人天隔渺茫
苦將衰淚累爺娘
殘脂賸粉愁明鏡

每晨鏡奩梳斷髮
零牙付寶箱
女在時曾與短髮一握交亭秋並以亭秋遺牙

藏於箱匣指掌旋螺曾我似埋頭作馬爲誰忙欲將消
視之賸然

息詢青鳥祇恐蓬山路太長

已分尋春到錦官還家滋味雜辛酸幽棲南嶽逢僧易
惜別西湖上塚難持節又移陶侃鎮歸裝祇少木蘭鞍
江城依舊人如鶴獨伴梅花五月寒

奉衣元夜上吹臺

甲辰春初曾攜女上禹王臺

豈料罡風拂面來七

日戀親聊自遣三年別爾未忘哀

中表姜君素習天文函云女沒後戀親七

日尙未退位余適有夢徵事詳哀詩五十首中今忽忽已三年

琉璃繪影神惟肖

余在桂樓

攝影於窗榻中忽覩女像極其神似

格子簪花手自裁

女手書小楷尙存

誰似湘

蘭生意滿晚香八瓣一枝開

院中盆蘭盛開有八瓣雙心者曾有詩記之

拚將心迹託巢由處處煙波處處愁東閣看梅成記憶
南樓翫月此句留途中健僕雙龍劍天外閒身一葉舟
獨有愛情拋未得割慈悔作汴京遊

乞巧日借胡宗武觀察琴初編修游署中小平泉
時嫩涼甫生新月初上尙未立秋作此遣興兼示

兩君

舊夢東湖廿載前

乙酉在川隨侍丁文誠公闕武道出新繁駐東湖半日湖乃李文饒舊居

此間亦是小平泉

李勤恪題園額曰小平泉客中竹箭星聯坐江上

蒲帆水接天蕉牖好編坡頴集

君兄弟能詩

桂堂難問阮林

年

堂桂不知係前賢阮文達林文忠諸君何人手植事見張抱冰廳額記

微雲點綴秋河

漢涼在金梧一葉先

時未立秋

和宗武觀察見贈之作

一別鄒枚去汴州又看江月上南樓欣逢東井五星聚

兼謂吳方臣周世臣王商甘三觀察琴初太史暫作平原十日留錦字續成閨

裏詠君英仕人川笛聲銷盡客中愁短衣匹馬蠶叢路

霜老梧桐幕府秋

示宗武聲乞巧日遣興韻

卷幔臙脂落几前出山猶是在山泉榻懸仲舉留徐穉
詩寄微之和樂天曾賦場苗消永夕偶攀官柳憶當年
鑪邊此去勞籌筆記取輸贏一著先

秋夜不寐遣興再疊前韻

細檢明前又雨前茶甌新試掇刀泉

江夏尹新惠掇刀泉水

半灣

漲綠虹垂地一色拖藍雁到天已送少陵客巖武相逢
崔九說龜年乍涼風味難通枕坐聽雞聲恐祖先

酬易實甫觀察同年三疊前韻

莫嗟蠖坐命宮前喜見東坡繼老泉

君先德笏山丈文章經濟冠絕一時

君能繼之入夢三刀偏得謗登聞一鼓竟通天南陽我畫宗

資諾洛下人思賈誼年便腹何傷名士餅心花發在筆

花先

喜晴憶女

吹斷連朝雨天公喜弄晴一誠徵感格三爵慶時平雲
靄輝金闕霞標滿赤城神仙本忠孝早晚掃欃槍

七月十九夜苦熱夢女歸來衣裝作男子式入坐
片時未及問訊悠然而去紀之以詩四疊前韻

內家裝束異生前贏得龍鍾淚湧泉鶴化已疑身外世

鸞迴難問夢中天雙藤夜月憐三影往在清淮節署每當春夜嘗借亭秋

率女於瞻園雙藤書屋賞月比時已十桂秋風又一年

惜人少今女又仙去情景更不堪矣署中十桂親舍白雲知悵望忍教成佛在人先

輓劉漱雲參軍

一病已如此蒼蒼殊忌才衙官憐屈宋門館失鄒枚春

雨黔靈寺

春間共遊黔靈山寺

秋風楚望臺文人竟無命椒奠有

餘哀

雪柳勞行役敲詩漏夜勤窮如黃貳尹狂比杜司勳一

卷蠻花集

君入黔得詩甚富

千秋馬鬣墳玉樓君遽召天上正

修文

秋後盆蘭復開作此美之仍用前韻

瀟湘世澤挹清芬還把蘭因說與君夜雨燕姬尋舊夢
好風蘇蕙寄回文清言再接同心契香澤重親竟體聞
修禊亭中添故事葳蕤春意許平分

轉綠回黃色象新心香一瓣百靈臻惜偕沅芷升庭晚

喜共商芝入室親披拂頭番風信轉相思後夜露光勻
雙鉤又試紅閨筆寫上冰紈若有神

吳仲懌侍郎開府中州以詩寄賀

黃閣 綸音紫電傳歡聲馳播兩河前新猷梁苑重來
地舊夢金臺話別天 心簡早承宣室問口碑先向鯉
庭鐫客程詩語堪追憶第一功名治洛年

子原太守由贛來鄂示詩四章依韻答和

昨宵燈穗燦瑤窗尺幅蒲帆達楚江秋水色明天混一
天雷人到雁成雙未妨桂嶺吟招隱已見詩城築受降
情話更闌還秉燭坐聽鄰寺晚鐘撞

何處終南捷徑佳
冰心一片任安排
浮雲世變慵揩眼
垂露書工喻折釵
棋局好從兒輩賭
醉鄉翻笑世人皆
行囊檢點無多物
綠葉成陰慰老懷

才似韓潮語孟郊
鏤冰爲句漫吟敲
菹鱸秋好初縈夢
梧鳳枝高又換巢
作客曲憐商婦怨
採風茅問楚人包

闔門棠蔭白門柳
已有鞭絲繫樹梢

君適有寤蘇之行

得見廬山吏不凡
休因卑溼泣青衫
尊前蠻女工歌舞
膝下獅兒謝勒銜
今夜樓中聞短笛
有人江上望征帆
何當共載餘杭酒
踏月鐫詩赤壁嵌

八月二十一日爲先妣姜太夫人八旬冥壽龍

華寺誦經賦此誌痛

壽母筵開廣佛場朝衫猶著舞衣涼林間返哺烏嗥月
夢裏思親雁叫霜節弄定知嬌女侍羹遺不共小人嘗
哦詩早廢南陔什獨聽齋魚當奉觴

南湖閱武禮成示鄂軍諸將士用前韻

已拚一醉卧沙場秋獮南湖戰壘涼敵懷心馳蘇武月
談兵鬢染晉公霜鞞刀莫負男兒志薪膽須先士卒嘗
直抵黃龍君記取凱歸好進萬年觴

平臺晚酌與亭秋聯句

形勝規全楚

後石

秋江晚眺天笛聲飛檻外

亭秋

帆影

落尊前丹桂香聞遠

筱石

紅薇色鬪妍平臺暮雲起

亭

秋乘興一流連

筱石

寄宗武觀察蜀中五疊前韻

大小金川拜馬前廣庭軍幕仗蘭泉織縑比素房中曲

先有成

都就姻落日嘶風徼外天錦里浣花吟甫什漢南種柳

感溫年籌邊儻報西戎敘露布神馳下筆先

重陽蝶桂樓登高作

秋老江城鶴到遲重陽高會客心馳不將風雨酬佳節
徧插茱萸憶昔時對酒怕看人賦別蠲租惟遣吏催詩
蜨樓縱有登臨興寄語含真恐未知

展重陽日獨遊吳文節公祠遂登西樓遣興六曲
前韻

隔岸晴川落檻前過江風勁挾飛泉東南半壁臨無地
西北高樓等上天老健喜逢吹帽節孤忠難問化沙年
讀公遺疏瞻遺像功在曾胡破敵先

題寶甫張子晉後身圖卷

仲則能吟供奉句韋郎會後武侯身春人無限芬芳意
四百年來話夙因

人聽焦桐爨後材拏舟曾訪虎邱梅今生遇合前生證
莫道天公但忌才

十月二日爲蓮漪夫人設祭一別已廿三年矣

猿嘯驚巫峽鶴飛鳴楚天空羸十萬俸永訣廿三年憶
返竹王國會陪阿母筵桂樓今日酒遙奠右台阡

喜寶甫開復原官卽步其感恩詩韻

前席傳宣去國臣九重恩澤帝如春光增王儉蓮
花色謗釋文淵薏苡仁已有口碑留桂管惟將血淚答
君親神鷹養就霜天翼一霎凌風便出塵

詠並頭菊

同夢東籬逸興賒晚香堂上鬪秋華情芳未許孤根託
容淡難教半面遮對飲重陽彭澤酒兩開他日杜陵花

梅魁合讓君雙占先後休爭玉筍芽

孝欽顯皇后輓詞

寰海歌功德敷天荷 聖慈早朝三殿罷晏駕六宮悲
色黯媯皇石靈翻王母旗中興望常武江漢發哀思
手握三朝璽憂勤閱旰宵法行中使近禮折外家驕壺
內師黃老朝端媿舜堯無慚 先帝託風雨 定陵飄
遺誥丁寧語殷殷相小民祈甘同翦爪納諫恕批鱗紹
述期 沖主艱難念老身最欽柔遠畧天地一家春
嗷雁心猶軫眠蠶手罷縑裸將朝玉馬望幸泣金黿
仁壽鐘聲寂 慈甯月影高外臣慚報稱淚點溼青袍

德宗景皇帝輓詞

九葉宏圖啟三雍至道凝冲齡承大統盛德啟中興彤
日高宗廟秋風大禹陵鼎湖弓劍杳哀痛徧林蒸

不息天行健黃中協泰交幾康一二日惕厲九三爻新
造周邦命誠通漢代郊鞠躬諸島使縮酒獻包茅

鹿宴承恩早 龍飛第一年採風慚守土踏月夢朝天
望斷周王馬啼殘蜀帝鵑德崇功未竟紹聖 嗣皇賢
罪已言猶在銜哀詔又新艱難思 令主慙直鑒孤臣
牆笛淒涼曲宮花慘淡春惟傾江海淚紅溼六街塵

十一月二十九日紋女二十生辰化去忽已三年

矣女降生於至日今歲又逢長至倍觸余懷發之
以詩

綫重添設帔時如何續命竟無絲香花繞座疑成佛
湯餅開筵憶洗兒入夢庭前斑綵冷秋間夢女著男子
裝拾級升階饒有
端重氣迎歸江上錦帆遲韶華二十須臾耳何況三年賦

別離

平生愛好母家親遠道營齋問訊頻已仗鑪灰銷浩劫
難從輪藏證前身登盤橘柚誠通款繞墓梅花早報春
贏得阿娘雙淚眼龍華寺裏哭生辰

嘉平六日登風度樓訪黃鶴遺址感賦

層樓依舊臨三台莽黃雲楚望開
凭檻俯驚帆影落
隔江遙送市聲來夕陽紅照千棧瓦
晚歲寒飛六瑄灰
風景無殊愁舉目未應訪鶴更尋梅

謁彭剛直公祠

十幅蒲帆楚望開書生原是濟川才
芒屨萬里同仇義
鐵鎖千尋浩劫灰黛色森森忠武柏
素心落落廣平梅
客船夜半鐘聲寂誰識當年鼓角哀

謁楊勇愨公祠

烽火連江望楚師如公文武信兼資
功成羽箭開生面
官罷煙蓑蘆夢思風利定飛王濬艦
日斜猶照曲瑯旗

彭祠並峙皆千古想見同舟破敵時

病愈憶女

正擬看山到右台聖湖春水鏡奩開三年別汝愁中住
一夜思親夢裏來老病漸傷遲暮景心情惟剩篆香灰
平安驛使慇懃意爲報江南有早梅

卽事

浮雲何處是三台豁盡塵蒙倦眼開鵬鳥賦成空涕淚
子規聲疾盍歸來封章北闕驚傳草絮語東窗笑撥灰
聞道長安幾棋局調和不僅在鹽梅

木棉庵

小朝廷已同危卵多寶閣猶聚列星南渡衣冠公掃盡
西湖燈火我曾經平章奏進皆關白檣杙書成愧殺青
聽罷杭州歌一曲不堪秋夜冷銀屏

墨經倉黃勉誓師江山半壁付庸兒軍中死氣蟲沙化
堂上閒情蟋蟀知冬樹已寒荒塚骨秋柑猶颺貢船旗
兩般忠孝君無分慚對吳潛寺壁詩

譙東精舍

橫梁曾將漢鼎傾掩關舊是一經生英雄未遇風流在
亂世相需月旦評疑案千年猶有塚繞枝三市豈無情
蒼生已被斯人誤再出山泉便不清

夕陽亭

拚將清白付兒曹慷慨批鱗手獨搔祇爲聖朝嚴婦寺
豈期中祀錫牲牢飛來大鳥沈冤雪辭卻黃金夜氣豪
無限夕陽荒草路一亭應共華峯高

鈐山堂

一著香冠四十年故鄉猿鶴也嫣然流傳世廟青詞體
成就椒山浩氣篇門輦難容兒策蹇巷居猶報相高眠
鈐山依舊書聲寂頭白歸來祇自憐

本末亭

兩花憑弔我何堪臣罪當誅主德慚登極詔成驚海內

讀書種斷惜江南生前戚族冤沈十地下齊黃友共三
回望孝陵天咫尺青山一髮暮煙含

風波亭

牘背書成意未堪如公忠孝兩無慚檜陰蔽日心輪北
柏樹經霜指向南渡馬王愁城借一騎驢客歎獄成三
莫言江上風波惡涅字當年血淚含

除夕書懷

臘尊一醉一陶然永夜燈花喜鬪妍束筍官書高閣裏
折梅春信綺窗前不緣異地心情減已愧先朝禮數偏
雪後謝庭詩事寂因風誰詠柳芊緜

己酉元旦口號

春到梅花玉笛傳放衙新罷早朝篇

現因國制不朝賀

漸多白

髮愁看鏡欲買青山未辦錢
初日晴融千嶂雪東風綠
上萬家煙歲時荆楚今無記
獨薦辛盤慶有年

遊小平泉登南樓

平泉草木尙依然春意遲遲冷倍妍
豐歲兆將殘雪裏夕陽斜到小樓前
重來舊雨孤帆遠一樣東風御柳偏
到此更窮千里目詩情江上寄纏緜

正月三日有雪憶昌紋

客到春城意惘然好花無復鬪芳妍
幾經擲汝兵戈裏

猶記呼爺病榻前，大夢亦知塵世幻。
長離終覺愛情偏，謝家庭畔今年雪。
誰見因風柳脫絲。

人日送楊逸真觀察入京

蘭堂新續草堂篇，春冷江城雪後天。
我愧文通難賦別，人言景倩已登仙。
輾紅滾滾紛棋局，凝碧萋萋罷管絃。
獨立斗南無箇事，因風棖觸五雲邊。

謁官文恭公胡文忠公祠，遂登風度樓遠眺

千秋雙廟尙巋然，春到江樓景物妍。
兩岸潮生復潮落，萬家山後隔山前。
晴迷芳草連天遠，煖入梅花得地偏。
最喜傾城諸士女，瓣香如奉介推縣。

送鄧花溪觀察之官成都

纔向承明謁 帝回扁舟重艤楚江隈
毛生色喜綠將 母蘇子名高未易才
傳信已知梅萼早到官不爲荔枝
來雪天一色蒼茫裏且醉筵前濁酒杯

和實甫韻

薏苡冤消感跼鷲檳榔花發爲君妍
欣逢 御展延英 日莫問瀾滄過渡年
磨蠍才憐蘇軾老聞雞聲讓祖生
先江山合仗詞人筆一路題詩補漏天

余久患舌疾亭秋以臘雪煎茶飲之即愈作此賦

謝

蘇季舌猶在文園渴已蠲攜來北海雪清過惠山泉當
酒消寒夜尋梅感舊年與君計歸隱先辦採茶錢

迎春日出東郊遂至洪山

小隊晴郊踏軟泥萋萋芳草午煙迷遙天一綫江如帶
絕磴千盤徑似梯客裏春光楊柳洩眼前生意菜花齊
斜陽紅到青旂影獨上浮圖訪舊題

謁洪山羅忠節公祠

鐵戟沈銷俎豆新如公正氣百年伸誓師湘鄂三千里
轉戰生徒數十人莫道攻堅成下策載瞻遺像識宗臣
洪山無恙羅山死立馬碑亭淚滿巾

上元前一日立春偕幕府諸君遊漢陽晴川閣遣

興四首

勝日尋春到漢南晴川雲樹野煙含隔江喚起樓頭鶴

有客來停閣下驂飛舄昔年思種柳

少石兄曾作令漢上

上燈今

夜罷傳柑

國恤無燈事

才人幾輩工鸚鵡芳草萋萋已不堪

樓色平分庾亮南江天一覽鏡光含客卿入坐花間幕

太守班春柳外驂畫鷁乘風飛素練聽鷗攜酒佐黃柑

琴臺咫尺雲封鎖古調今彈恐未堪

日晚未至琴臺

楚江風景似江南旖旎春光萬物含極浦燈疏疑蟹火

片帆雲擁當鸞盤供鹽豉兼供韭刀破霜鱗又破柑

學佛學仙兩無分一尊相對有誰堪

嘹天一雁欲征南綠水春波意半含已灑新亭名士淚
難忘舊驛館人驂旗槍小試君眉茗瓶鉢惟宜佛手柑
卻憶去年燈市好故園西望我何堪

元夕感事

逃聽鵲聲地氣南天心物理盡包含中朝幸不成孤注
逆旅伊誰脫左驂原廟已栽新甫柏貢船先罷洞庭柑
買燈如問今年事作宦金吾我未堪

閱青山長隄道中遣興

行盡大隄三十里內湖新漲接江流鞭絲淡掃山頭霧

檣影輕浮水面漚落日屯營談射虎東風綺陌笑騎牛
天涯絲徧王孫草已覺初春似早秋

弔唐鄂生中丞丈

髯號難抱鼎湖弓回首鄉關淚眼中元日詩篇除日詁

岷江膏雨怒江風上游我已慚威惠

公贈別詩有天下安危寄上游看君

威惠與江流之句

大節公無忝孝忠後夜文誠祠畔路不堪雪

爪認泥鴻

客歲旋里元日與公相照於丁文誠公祠

春晴猶寒約內子遊抱冰堂有懷紋女

料峭春風二月寒江城作客思無端頭銜漫詡追羊杜
眉案猶堪舉曜鸞好鳥雙聲簾外語幽蘭一賦壁中看

壁間懸山谷書唐人幽蘭賦
墨拓十幅與亭秋煮茗讀之
五年舊恨重振觸不見琴
徽蔡女彈

華嶽廟碑海內僅存三本一長垣本一四明本一
關中本長垣本最完好均存午橋尚書處承以影
本見貽作此致羨

寶華庵中作主人摩挲日與古爲鄰岩巒並峙三峯影
賞鑑都歸一个臣變蚪文堪齊岫嶠爲龍劍已合延津
策勳金石侔調鼎想見晴窗檢點頻

贈葉子川太守

東華舊夢渺如煙客到江城二月天持節忝承三戶後

題襟忽憶十年前菊松大隱身猶健琴鶴輕裝吏亦仙
早晚漢廷召宣室如君豈合老林泉

熟食日洪山展外舅丁梅村先生墓

戰苦餘殘喘

公以鄉兵勦賊勞苦得喘疾

官清有去思克完朱邑志

長傍鄂王祠

墓在岳祠側

淺草牛眠穩寒梅鶴夢馳一尊熟

食酒料得九原知

遙指讀書處棲霞舊日樓

公往日在貴陽城東棲霞山寺讀書寺壁尙有手書聯語

女亡惟塚在山好爲公留一種漢南柳難回澗水舟今
朝墓門下獨客感春游

紀夢

亭亭背立綺窗前猶是嬌癡傍母年若爲讀書留種子
藥宮晴柳白雲篇

和江叔海參事見懷用元韻

雪壓天街舊酒旗漢南新柳又如絲筆花五色入君夢
諫草干言答 主知庶獄哀矜民有福

君疏請清理庶獄荷蒙俞允

羣賢登進野無遺庾樓賓從吟風月回首金臺寄遠思
德宗景皇帝梓宮奉移敬紀誌哀

飄舉 天王慘淡旗難迴駿馭泣鞭絲維新紹述 列

宗鑒 大孝尊親萬國知主鬯得人欣有託抱弓無路

棄如遺斜風細雨 西陵道春老鵝唳望 帝思

餞春日遊柯巽庵侍郎息園賦贈

瞥聽林鶯百囀嬌
入門不待東招邀
牡丹未落春猶在
雀舌初嘗渴易消
恩重那容營綠野
禊修曾與話紅橋
看花故事同看竹
一到柯亭興更饒

立夏日集幕府諸君抱冰堂試泰西稱法雖沿舊
俗亦衡才之意也作此轉質諸君

雅讎能將四座傾
冰堂銷夏忝持衡
立身與世忘清濁
著手於人有重輕
門價豈因元禮貴
秤心敢詡武鄉平
千鈞事業期公等
莫共環肥燕瘦評

再贈巽庵侍郎

麗句如花花弄嬌，報瓊情勝舉杯邀。知君筆底煙雲護，
使我胸中塊壘消。小范江湖猶戀闕，長卿駟馬已題橋。
息園鎮日清吟健，持較南樓十倍饒。

穎女生日有感

去歲蘆潭夜阻風，今年風起蜨樓東。料應連袂隨仙姊，
不共牽衣慰若翁。辣性已爲薑桂誤，誤服薑桂離情惟

有夢魂通一尊。親薦女兒酒，十七年華感慨同。紋女年十七而

逝穎女生年至今
十七能不悲乎

子原遠寄療痔方劑賦謝

憐我難工厠上吟，方書遠寄楚江潯。非關老病三遺矢，

欲起膏肓一度鍼節飲半除豪士氣

來書勸節飲

濃薰都寓

愛才心

來方用藥煎水薰洗

黃堂大有回春力我亦蒼生望雨霖

和亭秋韻憶女

生涯都付木蘭舟半載勞君爲我留寂寞謝庭今夜月
一腔心事五更頭

江色山光共此樓不堪雨急又風颭疏燈紅照曇華影
一寸明珠一寸愁

午啖鮒魚失折一箸作此遣興

食牛心可炙食黿指忽動慾整苟不節烹割及鸞鳳平
生鮮嗜好惟魚入我夢問名洵知時春水一帆送質殊

碧柳貫品類黃花貢庭懸情已矯盤登味逾眾祖堂初
薦新次爲吾女供老妻勸加餐慙開酒甕有如五侯
鯖儉腹偶豪縱下箸鄙何侈聞雷忽劉闕未留喉舌梗
幾裂指爪縱一箸誠不惜所惜材可用借我 帝京游
借籌屢命中伴我夜郎歸萬里敲詩共魚美供大嚼箸
折滋隱恫愛魚兼愛箸當筵恐聚訟食罷三太息案舉
玉摧弄何時垂釣竿收拾心飛鞵表直壁 君賜片舸
煙波重喚起楚騷人時節近繫纜

和寶甫同年移官嶺南詩卽以贈行用元韻

移官百粵拜新恩也似班超入玉門前席漢廷宣賈誼

舊遊蜀道叱王尊綠波碧草春人恨浮雨羅風瘴氣昏
此去尉佗城外路鴻飛猶認爪泥痕

清風盈裊酒盈卮萬里行勝萬首詩人道狂名同杜牧
我憐豪氣減袁絲五雲彩筆生花早一騎紅塵啖荔遲
除卻鶴琴誰是伴壓裝桃葉與楊枝

南極峩峩貢禹冠蓮花幕下此才難碧雞臺樹千山暮
黃鶴江城五月寒酒債定隨詩債了繡衣莫作嫁衣看
東坡老去瓊樓遠古調而今向孰彈

槐忙一例簇青袍卅載分飛等燕勞一榻豈因同譜重
尺樓敢謂上牀高前身夢晉虬堪證大筆昌黎鱷不號

名士名臣期合傳，惟將經術飾風騷。

和答徐花農同年

賜錦新抽乙乙思，綺窗刻燭夜催詩。那知枚馬文章外，更有丹青似伯時。

清到梅花幾世修，春婆夢醒不知秋。西清著作南齋筆，讓爾詞場出一頭。

寄和子原太守饒州

薜荔陰濃覆短牆，紫荆披拂趁年芳。重尋舊夢遙相憶，朗誦新詩喜欲狂。一院有春花弄影，中宵起舞劍生芒。饒州形勝連吳楚，南望旌麾當望鄉。

遣興四首用實甫韻

人世何曾有怨恩，論交昨過翟公門。
鱸莖久已縈鄉夢，牛酒何堪侍上尊。
浪擲梟防全局錯，勸歸鴉噪滿林昏。
朔南萬里關山路，都是當年屐齒痕。

賓筵側弁酒千卮，四座羣傾悔過詩。
泣別卞和曾抱璞，化緇墨子易悲絲。
百回運甓陰知惜，八影移甌日上遲。
莫但梅花吟五月，江城留得歲寒枝。

沐猴空羨楚人冠，不信青天蜀道難。
極浦雪泥鴻有迹，深宵風露鶴知寒。
迷離夢已隍中覺，兒戲軍還壁上看。
爲語三千珠履客，歸來長鋏莫輕彈。

平生詭遇薄輪袍作德心休作僞勞市骨有臺尋郭隗
載韋無地覓弦高疲驢失路愁千里饑鳳當門試一號
又見漢陽芳草綠鬢絲容易感蕭騷

乞請未 允感賦

溫語下堂坳葵傾協泰交欽惟 沖主聖不令邇言滑
遵渚孤鴻翥參天萬象包歸心縱千里難逐釣竿梢
三楚雄南服提封忝大邦才輕愁展驥影吠不驚厖望
古懷陶庾承流控漢江朗吟崔顥句先受鶴樓降
妥慎明臣素周詳契 聖懷褒榮甯一字傳誦徧干街
異說銷騰口 皇心鑒乞骸感深惟涕泣未許夢扉柴

萬事待經理惟當實此心艱危虛報稱衰病苦侵尋戀
闕江湖遠談兵歲月深利民兼利 國責鉅恐難任

初度日遊小平泉用前韻

宛到孟城坳濃陰密密交胸惟干畝在言謝百家消避
客先懸榻如僧倦打包夕陽知我意常挂樹枝梢
莫道平泉小淹留感此邦花迎浮檻蜨竹隱隔籬厖水
繞粼粼石臺窺面面江暫時供嘯傲早受簿書降
是非誰管得煮茗且開懷談虎成空市婚牛唱滿街翻
瀾蘇季舌放浪右軍骸一徑雲封鎖旁人枉叩柴

南樓一片月照見昔賢心巖已分陰運碑還墮淚尋誅

求民力盡褻勉 主恩深縱有澄清志才疏力不任

端午遊園示亭秋

綠蒲觴罷舉

余哭女詩有菖蒲艾葉爲誰
綠再過端陽罷舉杯之句

百感集天中

芳訊客來北

高澤畚學使由京甫
回詢知都門近事

鬱居吾欲東涼蟬鳴

細柳么鳳泣枯桐

謂紋女

繫糶還佳節臨流記楚風

落日城樓上鶴飛五月寒耳喧知市近目盡覺江寬蠲

疾誠求艾得天祥毓蘭

庭前蘭花盛開有雙心並頭放
者有一心七瓣者僉云花瑞

衙無一事直可署園官

噩耗傳吳下高名失太邱

得蘇州電陳伯平
中丞昨日仙逝

一書纔付

驛三日前曾寄一書

百尺竟摧樓鶚薦交原古鱸香願未酬

伯平

奏請開缺奉

旨給假

宮衣余尙著當暑愴前遊

十年桑海事只有老妻知

庚子之變妻女同處危城今女亡惟妻在

畿外初

鎔鐵

是年五月二日拳匪燬京保鐵路內外信息不通

河陽正豎旗

越日余隨榮文忠公

乘車至豐臺慰問各洋工程師並分遣弁卒安撫沿路居民人心稍定永定門天橋一帶列陣警備軍容甚肅

酒杯酬地臘神劍託天師今日梅花笛昇平異舊時

詠庭前並頭蘭

蒲綠榴紅罷舉觴瓣香都在詠蘭堂幾回月下兼燈下

照影分明對面妝

風靜天高露滿庭亭亭如玉鬪芳馨始知花亦逢人意

不向枝頭避尹邢

相對相當綽約姿獨眠情緒未曾知筆花若繪羣芳譜
已費如青儷白辭

無言各有未申情石上三生締舊盟折向鏡邊羞短髮
愛他心迹本雙清

出城沿江岸行宿雨初霽作此遣興

雨後塵蒙豁朝來喜放晴馬愁官路滑潮與大隄平浮
岸挂帆影隔江聞市聲籃輿經過處耕織見民情

江岸
紗布

等局
林立

題金鶴生廣文所藏方正學先生墨蹟冊頁

讀書已斷江南種養士空勞二百年我撫墨花三太息

孤亭木末尙巍然

詠七瓣蘭

吟成一字一芳華寫韻何須賦八叉
綴佩襄機新織錦賞心寶盃細評茶
羣賢友共林間竹六出多於雪裏花
曹步才工枚發豔植根奚止並頭誇

前詩和韻甚多再成一首

春曉歲蕤秋夕華尋幽不礙路三叉
形如盤帶疑翻藥香比旗槍合鬪茶
留取一枝傲梅實儼開八朵即瓊花
瓊花有謂九朵亦有謂八朵者相逢月下重窺影列宿星芒一半誇

連宵大雨城塌數丈窮民有受傷者作此誌感

黃鵠磯頭望危哉半壁撐干帆猶繞郭一雨竟傾城騎
鶴昔人去憑狐中夜鳴最憐無告者性命羽毛輕

喜晴壘前韻

民呼天竟格棉力愧支撐雲氣開青靄霞標滿赤城簷
知乾雀喜野少斷鴻鳴轉歉爲豐歲一晴關重輕

答胡琴初太史

梁園舊賓客伴我上南樓地尙誇三戶人誰鑄六州太
名丹屐注佳句錦囊收好畫宗資諾冰堂冷抱秋

閱琴初架上館選錄有作

九朝人物銷沈後姓字猶留此卷中不向其間參一席

廿年前已誤雕蟲

余廷試誤書蚨字朝考
誤書蜚字竟失館選

亭秋生日偕遊小平泉以詩侑觴

香滿詠蘭堂爲君一舉觴
委心捐禮數絮語話家常
綠水初浮檻青山促辦裝
纏緜無盡意好景駐斜陽

爭墩笑安石隨地有平泉
榮落池邊樹陰晴郭外天
新嘗活火茗穩送順風船
回首紅羊劫滄桑已十年

宿雨初開霽苔痕綠上階
指揮宜羽扇脫略到椽樾
煙靄連城闕琴書畫舫齋
過庭多樂事惜少謝嬌偕

工謀兼善斷何止女相如
蘭氣因風襲梅魂帶月鋤
喜看游俠傳欲上活人書
解意雙雙蜚穿花護筍輿

銷夏疊前韻

平臺風日好，曲水競流觴。
火繖初交伏，冰心不改常。
簾疏三尺影，衣薄五銖裝。
一枕藤陰下，蕭蕭卧夕陽。

簾挂初三月，鑪烹第二泉。
樓牀登得地，瀛海衍談天。
心迹琉璃簾，生涯書畫船。
棋枰銷一局，誰道日如年。

寥天聞玉笛，清露滴瑤階。
荷淨紅擎蓋，苔深綠浸鞵。
浮瓜真率會，燒筍太常齋。
此地同吳廡，幽居德曜偕。

寶從南樓集，高風我不如。
窗蕉添雨韻，籬豆和煙鋤。
消渴惟宜酒，焚香且讀書。
看山如有約，柳外駐籃輿。

酬葉子川太守嚴晴初大令園居遺興再疊前韻

性不因人熱猶堪一詠觴幽情君暢敘豪氣我如常展
裏攜吳本披襟學楚裝柳邊曾繫馬游俠憶咸陽

舊雨兼今雨清泉異濁泉江山上游地風月晚涼天草
色看書帶花香載酒船平生絲竹興哀樂逼中年

瀟灑梧桐院濃陰綠滿階蘆簾兼竹簟布襪與青鞵卓

錫僧歸寺

常州天甯寺僧
治開上人來見

鈔書吏散齋北窗清趣永高

卧有誰偕

荷芳清晏盛

淮浦清晏園
風景最盛

持較竟何如掃月童攜帚耕

煙客荷鋤一鷗醒宦夢雙鯉到家書荆楚勞行役狂歌

和接輿

菩陀峪 定東陵告成榮文忠公以承修大臣奉

旨賜祭一壇聞之恭紀

麥飯年年念老身九原公定淚霑巾承 恩昔拜 山

陵使夾輔今思社稷臣豈爲樊豐祭楊震略如溫國事

宣仁股肱心膂誰堪繼况是 天家肺腑親

偕亭秋遊南湖

偕向城南作俊遊楚天涼雨夏如秋畫船隱隱穿紅藕
煙樹深深駐碧油幾陣香風來乳燕一般清趣付閒鷗
登臨大有西湖意山外青山樓外樓

六月廿二日焚示昌紋用亭秋韻

一夢闌珊散舞臺五年睽別詎忘哀兒時書畫分明在
密裏重重未忍開

仙蹟含真果是真年來我亦病中身一坏乾淨西湖土
月下花時總愴神

塵緣清淨了糾纏唾化紅冰淚化煙始信人間有哀樂
不教福慧得兼全

買山我結曲圍鄰汝在山中伴兩親

淑卿蓮漪兩夫他
人均葬右台山

日黃泉會相見兩家眷屬一家人

昔年烽火屋東頭童語驚余勝老謀

拳匪之變同處危
城女謂拳匪不過

一時之亂各國軍隊現雖雜居京門久之必聞道
受和款勸余留身爲國余與亭秋頗然其言
兩

宮西幸事背人先已淚雙流

鎮日看山蜨桂樓遺容猶幸鏡中留煩將青鳥先傳語
阿母朱顏易白頭

卻病多時謝杜康一囊詩卷一鑪香右台路比桃源近
宰樹蕭蕭挂夕陽

不老仙家駐景光似聞廣樂奏清揚年年六月傷心事

思女思親祇自傷

先大夫甲子六月十六日棄養

尋黃鶴樓故址

廿載題襟憶舊遊一年容易又驚秋蕭蕭短髮支離甚
滾滾長江不盡流劫後遺蹤難訪鶴客中多病怕登樓

勞生鎮日攫塵網輪與煙波一葉舟

七月望日臨洋務局示吳方臣羅麟閣周調之用

方臣韻

脣亡畢竟齒同寒善飯空思老據鞍豈有范韓猶怯敵
似聞平勃已交歡成城志協三人眾長日棋銷一局殘
試向新亭小延伫好花休讓別人看

方臣新葺一亭中有花木

馮夢華中丞同年節臨漢上過江話舊即席賦贈

回首觚棱夢繞無皖江煙樹更模糊晉公綠野抽身早

謝傅蒼生望眼枯相馬昔曾空北冀

君以高第出
身馳名日下騎驢

今又戀西湖相逢一笑南樓上各有霜花壓鬢鬚

夢華有和章疊韻奉酬

棘院蠶聲尙有無廿年同榜憶名糊牙期絕調知心少

君下車即作漢上琴臺之遊

元白無兒老淚枯

彼此同慨

三徑君先種松

菊一叢我欲夢江湖山公定遠家風在想見耽吟手撚

鬚

再疊韻柬夢華

清才早歲識之無脫屣浮名紙上糊靖節集由歸後定

江郎筆已夢中枯閒邀鄰叟觀棋局話到 先皇哭鼎

湖何日翦江重下榻遲君待月捲蝦鬚

東葉子川太守三疊前韻

接到家書衣到無小窗風透碧紗糊浪遊行脚知君健
窘句搜腸笑我枯已有封章留北闕更饒清夢繞東

湖

南昌有東湖

秋宵戲鬪尖叉韻故紙堆中試鼠鬚

陳伯平中丞靈櫬由蘇至鄂臨江祭弔得詩一首
曾共寒山作俊遊又迎丹旆鵠磯頭清風習習空盈裊
舊雨瀟瀟易感秋飛舄已隨弓劍遠遺經還爲子孫留
同舟敢附規隨誼立馬江干哭故侯

八姪昌震病歿南昌作此哭之

幸有微名達九天恨無靈藥駐華年逝駒頓失家門望
畫虎曾貽教誡篇衝雪隨余行萬里臨風酌汝哭重泉

而翁縱博多男慶一日腸回百沸煎

大兄晉秩粵藩以詩馳賀用去年移官南昌臬使

贈行韻

宦味初回蔗境甘珠江新盼使君驂
九秋楓葉辭滄浦一路梅花到嶺南
帝命旬宣侔召虎人言治理勝張
堪白頭記取還山約風雨聯牀共一庵

田家鎮晚泊翌日過半壁山遂至武穴示夢華

憑臨楚尾望吳頭形勝東南據上游
風月滿船仍逐客江山半壁最宜秋
卽今荻葦寒汀長終古彭楊戰壘留
此去潯陽天咫尺琵琶聲咽琵琶洲

懷夢華漢上疊前韻

布颯目極楚江頭
遊客臨風作勝游
積水浮天迷遠岸
片雲催雨入深秋
難禁舊侶黃墟感
已有新詩赤壁留
最是疏星殘月裏
蓼花瑟瑟滿汀洲

和夢華韻卽謝題舍真仙蹟圖

絕妙詞才並世無
翩翩文藻富三都
逢人怕說金梁事
讀罷君詩碎唾壺

蕙苒曾傳去溼方
還鄉休羨越南裝
皖山嶽嶽公同峻
淮水湯湯民不忘

苦費媯皇補漏天
同光猶是中興年
逢場恩怨牛攻李

滿地衣冠蟻慕羶

傳語吳儂問喘牛大江日夜欲東流一鑪冶鑄一州鐵
可奈紛紛聚六州

夢華疊韻見示作此答之語近激切不足爲外人
道也

曾趨朵殿奉三無溫語親聆 帝曰都回首 橋陵弓
劍渺不堪清淚溼宮壺

寶劍曾聞請上方短衣今換武靈裝犀軍十萬新龍武
薪膽年來未敢忘

蕩魏猶戴古堯天劫火庚辛又十年若使天驕識麟鳳

會將花雨洗蠅羶

火急官書憫汗牛黃金一擲付中流縱橫誰似談天筍
天外之天有九州

感懷仍用前韻

秋水長天雁到無郢都蕭瑟憶洪都夜窗排遣無多物
一管詩囊一酒壺

星橫爛爛謁上方牽衣曾著道家裝終南紫石分明在
此恨喬山未忍忘

南樓明月楚江天容易西風又一年省識牙琴流水意
不教清趣溷腥羶

蜀人假道誤金牛楚客聞猿淚欲流畢竟西湖美風月
與君翦燭說杭州

寄薩鼎銘軍門

破浪乘風未泊船沈江鐵鎖不知年曾磨羽箭晴川闊
又送蒲帆黑海天節假龍驤名更遠石銜精衛恨終填
艱難共濟資謀畧利斷兼金百鍊堅

答何潤甫同年見懷用元韻

春水情深千尺潭懷人詩又到庸盒寥天醉月觴飛一
永夜挑燈漏轉三晚節君希韓魏國前徽我愧杜征南
鐵橋虹貫河如帶早趁鋒車報鯉函

示夢華再疊前韻

拚將棒偈喝當頭，悔未歸休學少游。
麟鳳可曾在郊藪，蟪蛄苦不識春秋。
江臨夏口雙流合，客作平原十日留。
聞說杖藜攜小阮，詩成笑傲失滄洲。

秋夜不寐

涼透蟬紗，影燒殘蠟，炬灰下帷初閉。
月入枕，忽成雷爲蚊。
所苦渴病，惟思茗芳，痕欲點苔中。宵慵起舞，臥聽漏聲催。

東夢華三疊前韻

一甲三人媿狀頭，千門走馬憶春游。
大名天上探花使，小隱淮南落木秋。
蕉夢醒時吾亦老，竹林深處客還留。

何當再挹江亭勝風葉蕭蕭荻葦洲

送夢華歸吳四疊前韻

才地輸君出一頭笛香魚美夢黃游琴鳴漢上難工和
笛入山陽易感秋

新開張抱冰之喪

客裏桃根聊作伴衷中詩

卷喜長留江南哀雁資安集片舸先臨九泐洲

君先至金陵籌

商賈務事竣回寶應

夜半登樓眺漢江五疊前韻

滿街燈火大隄頭卜夜還疑載月游沈醉百篇銷斗酒
相思一日抵三秋嘶風病馬創癥合踏雪飛鴻爪印留
闕闕廣開文物盡祗餘鸚鵡尙名洲

弔張文襄公六疊前韻

祇賸丹心與白頭似聞折角勝朱游
臚雲金殿三朝輔落日荒原五丈秋
遺澤定隨江漢永凌煙已有姓名留
沖皇流涕思良弼况復哀榮徧五洲

再弔文襄七疊前韻

肩輿曾到殿西頭魂魄惟應戀樂游
軒鼎攀髯兩行淚漢南種柳廿年秋
起居烏使詢安否乞請中朝屢慰
留感舊一篇公手定別裁不數沈長洲

堅夢華明歲來鄂之約八疊前韻

山妻斗酒弄牀頭赤壁前游續後游
別去銷魂江草夢

宵深看月井梧秋重來舊地應如舊問訊留園可再留
清淮節署淮園又名清晏園
適值裁撤衛所余改名留園客路寒衣早料理楚江風
起白蘋洲

贈夢華九疊前韻

秦淮河畔蜀岡頭先至金陵
後回揚州惜未偕君作浪游大別山

前人賦別亭秋館裏客吟秋論文盧本居王後茹恨星
難與曙留蘿袞偶殊鍼芥合一羈塵海一仙洲

九月五日邵伯問太史招飲因雨不赴

篠驂已駕未升堂慚負先期折簡忙雞黍多情留後約
雨風佳節近重陽調琴已歎新絃改面壁還須舊學商

萬卷讀書兼讀律，未應詩酒託疏狂。

伯問有和詩，疊韻答之。

新詩喜到詠蘭堂。

署中新
署堂額

遙想高齋擊鉢忙，撤炬人歸

蘇玉局，沈碑客。感杜襄陽興闕，不爲催租減律細。惟應
載酒商，又屆龍山落帽節。鬢絲非復少年狂。

重九法政學堂新亭登高，卽席賦贈同游諸君子。

危亭高枕楚江邊，卷幔臙脂欲鬪妍。豪氣銷於湖海外，
夕陽紅到酒杯前。民窮早罷催租吏，節好叨陪都講筵。
只恐菊花笑歸客，就荒三徑已經年。

越日又成一詩，仍疊前韻。

林下言金 卷十
三六
同插茱萸兩鬢邊重陽無雨晚秋妍爲尋陶菊吟籬下
惜少江花繞筆前法曲翻成新樂府舞衫淪落舊歌筵
一亭大有興衰感風景依稀憶往年

十三日約徐小舟嚴晴初江濤登奧略樓遠眺
豪興經秋未肯闌偶攜賓從一憑欄臨流漸覺收帆易
得地方知締構難樓閣玲瓏人面改江山浩莽客衣單
漢南搖落桓公柳回首金臺夕照殘

感事

破碎河山夢裏思空空妙手是男兒臨觴漫灑新亭淚
拍案俄驚博浪椎敵國喪歸元帥軫在天靈安父師箕

塗將肝腦謀虜齒市上荆高恐未知

嘗膽惟應鑿噓臍中宵起舞但聞雞榻前睡已爭蠻觸
壁上軍先罷鼓鼙三戶圖存無罪楚一身不負式微黎
魯陽大有揮戈意可奈虞淵日脚低

再成二首仍疊前韻

致國平居有所思

用杜句

諸公袞袞盡庸兒隱名疑似補

錫匠佳傳應修大鐵椎虹貫已寒嗚咽水風從難強簸
揚箕臨軒小試屠鯨手虎豹當關總不知

怨毒都歸上相臍五洲均勢失連雞倡提靈武收京策
掩息漁陽動地聲歆祀料應存漢臘子遺猶幸有周黎

高山仰止滋余慕東望三神轉覺低

貢院扃試選拔生感賦

樺燭雙行漏點三箇中風味我曾諳窺簾已少營巢燕
下筆猶聞食葉蠶此後宜防書種斷旁人莫當老生談
維新事業先求舊江漢謳思教澤覃

覆試揭曉仍疊前韻

看榜千門射策三少年結習老猶諳扶雲羽翼飛雙鳳
織錦機絲貢八蠶行見霓裳天上詠未應風月坐中談
盟心肯以他途進 聖代菁莪雅化覃

讀廣雅堂詩集書後

鴻製新成廣雅堂病中審訂棗梨忙羣推手筆伴燕國
况復心香繼益陽孔鼎湯盤存述作黃鍾大呂協宮商
燈前自檢鶴樓集崔顥題詩未敢狂

秋夜懷京師友人

縲紲原非罪嗟哉一息存不教身命擲終戴 聖明恩
昔作王臣蹇今知獄吏尊埋頭書牘背公道向誰論

剪燭朝歌驛

辛丑冬衛輝行館把晤竟夕

違君又八年奮飛原異地

聞耗每呼天不謂鬱林石翻成阿堵錢遙傳 丹鳳詔
新降五雲邊

龔省吾觀察和棘闈感事詩再疊前韻奉酬

就菊還來望徑三
鱸羹菹菜味深諳
林逋傲世清於鶴
蘇子酬詩苦似蠶
鄉貢已停唐代格
名言如對晉人談
掄才公是斲輪手
回首朱衣教化覃

孝欽顯皇后山陵禮成敬紀以詩

景山風動萬年松
長樂宮花咽曉鐘
五色石成媯帝業
八方甌窶女堯封
麥搏社飯身垂老
血盡鶻嗝淚不濃
東望 定陵雲氣紫
補天心事報 文宗

四十年來百事非
慈雲一去失春暉
兩求民隱馳雕輦
三抱 冲人著帝衣
前席尙承宣室問
苦心肯與外廷違
玉花嗚咽先朝馬
猶共宮鴉望六飛

實甫觀察遠寄端州雜詩依韻奉答

茫茫海岸息驚湍按部知君善據鞍三郡爭迎新使節
一身未改舊儒冠記成赤雅摩挲讀郭繞青山帶笑看
獨有梅花是知己閒攜賓從一凭欄

陸申甫方伯哲嗣靜山蹈海以詩弔之

中庸至德成絕望流俗脂韋各殊狀陸生蹈海事獨奇
四顧蒼茫覺神王少年學詩鯉庭中壯歲作客箭弦上
五侯七貴不在眼歸來孺慕終身養如生才調信無倫
縱不奪席咸避讓只合聯牀坡潁樂未應傲世巢由抗
如何俯仰天地窄誓祈長鯨踏巨浪豈其胸中多塊壘

或愁江南有癘瘴文淵志未馬革酬屈平身已魚腹葬
遺詩留寄白髮翁一字一淚慘意匠世人皆醉何曾醒
生也雖死若未喪我讀方伯祭子文根觸中州哭女愴
移官直北乞病未允敦促北上賦此留別

鵠磯高峙楚江干對此茫茫感百端病馬裹創愁戀棧
勞人思憇倦凭欄急流飛鷁談何易中澤哀鴻不忍看
一紙 詔書銜鳳下移民無地愧移官

堂前十桂最相知花木平泉雨露私霸業雄於三戶後
寶書讀已十年遲南樓風月誰賓主西子湖光有夢思
三日曾經桑下宿催人無奈電音馳

此邦信美盡瓊瑤兩載曾停問俗輶楚產繇來先北學
漢旌憑以折天驕前塵京兆街頭馬後夜丁沽夢裏潮
莫笑行囊太羞澀壓裝猶有敝裘貂

劫火庚辛不計年天津橋上但嗁鶻傳聞骨價金臺貴
未許鼾聲卧榻眠挽鹿暫遲借隱約鏘鸞先賦早朝篇
江潭搖落桓公柳可解牽絲繫客船

漢江舟中不寐與亭秋聯句

篷背瀟瀟雨

亭秋

聯牀話別情倦遊思遠道

筱石

臨發

問歸程有約聽殘漏

亭秋

無聊翦短檠征車催太促

筱

石熱淚暗相傾

亭秋

舊約遲偕老 亭秋 怱怱感白頭江間風捲浪 筱石 天際

雪盈舟莫羨名場廡 亭秋 難禁繡閣愁臨歧珍重意 筱

石襟酒說杭州 亭秋

五載思兒苦 亭秋 愁中與病中歸裝惟載石 筱石 飛蓋

又乘風時局艱難甚 亭秋 離懷彼此同何時梅鶴侶 筱

石煙水故園東 亭秋

江岸一樓古 亭秋 鶴飛依北枝笑他不速客 筱石 只解

頌揚辭善掉蘇秦舌 亭秋 能舒德曜眉漢南無限柳 筱

石攀折意先馳 亭秋

十月二十九日輪舟早發贈亭秋

雪花催賦北征篇
回憶東吳萬里船
今夜不知何處泊
荻花楓葉浩無邊

年來我已倦風塵
君亦工愁善病身
聚已無聊遑論別
梅花孤負右台春

松蘿堂詩鈔卷七